



Привремена заједничка комисија оба дома
Парламентарне скупштине Босне и Херцеговине за
спровођење процедуре за именовање чланова
Независног одбора и Одбора за жалбе грађана као
независних тијела полицијске структуре Босне и
Херцеговине

Privremena zajednička komisija oba doma
Parlamentarne skupštine Bosne i Hercegovine za
provođenje procedure za imenovanje članova
Nezavisnog odbora i Odbora za žalbe građana kao
nezavisnih tijela policijske strukture Bosne i
Hercegovine

Privremeno zajedničko povjerenstvo obaju domova
Parlamentarne skupštine Bosne i Hercegovine za
provođenje procedure imenovanja članova Nezavisnog
odbora i Odbora za žalbe građana, kao nezavisnih
tijela policijske strukture Bosne i Hercegovine

Broj:01,02-50-16-1089-2,5 /20
Sarajevo, 25.6.2020.godine

Na osnovu članova 4., 5., 16. i 17. Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj:36/08), članova 7. i 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj:37/03), člana 7. Poslovnika o radu Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine (u daljnjem tekstu: Privremena zajednička komisija) i Odluke o raspisivanju javnog konkursa za imenovanje članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine, broj:01,02-50-16-1089-2,4/20 od 25.6.2020. godine, Privremena zajednička komisija, o b j a v l j u j e

**JAVNI KONKURS
za imenovanje članova
Nezavisnog odbora i Odbora za žalbe građana
kao nezavisnih tijela policijske strukture Bosne i Hercegovine**

1/01 Član Nezavisnog odbora
1/02 Član Odbora za žalbe građana

1/01 Član Nezavisnog odbora

Definicija: Nezavisni odbor je nezavisno tijelo Parlamentarne skupštine BiH koje djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja, ili bilo kojeg naroda u BiH.
Nadležnost: Članovi Nezavisnog odbora nadležni su za: provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca

policijskih tijela BiH; objavljivanje javnih konkursa i razmatranje prijave kandidata, vršenje odabira i dostavu ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH; razmatranje pritužbi na rad rukovodilaca i zamjenika rukovodilaca policijskih tijela BiH i obavještanje o tome ministra sigurnosti BiH i Vijeća ministara BiH; iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH; predlaganje smjenjivanja rukovodilaca i zamjenika rukovodilaca policijskih tijela BiH za čiji je izbor nadležan, ukoliko su počinili krivično djelo, odnosno ukoliko počine tešku povredu službene dužnosti, osim za krivična djela iz oblasti sigurnosti saobraćaja; ostale poslove propisane Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", br. 36/08), Poslovníkom o radu Nezavisnog odbora i drugim propisima; Nezavisni odbor obrađuje podatke i vodi evidencije u skladu sa zakonom i drugim propisima.

Jedan od kandidata bit će predložen za **predsjednika** Nezavisnog odbora. Predsjednik rukovodi radom i predstavlja Nezavisni odbor, priprema Nacrt poslovníka o radu i nacrt godišnjeg plana rada, podnosi godišnji izvještaj o radu, kao i druge potrebne izvještaje ovog nezavisnog tijela, obavlja druge poslove u skladu sa zakonom i drugim propisima i odgovoran je za zakonitost rada.

Status: Član Nezavisnog odbora ima prava i obaveze proistekle iz Ustava Bosne i Hercegovine, zakona i podzakonskih akata, a neće imati radnopravni status. Sredstva za rad i naknade za rad obezbjeđuju se u budžetu Parlamentarne skupštine BiH.

Broj izvršilaca: devet (9) - po tri (3) Bošnjaka, Srbina i Hrvata.

Mandat: Članovi Odbora imenuju se na mandat od četiri godine.

1/02 Član Odbora za žalbe građana

Definicija: Odbor za žalbe građana je nezavisno tijelo Parlamentarne skupštine BiH koje djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja, ili bilo kojeg naroda u BiH.

Nadležnost: Članovi Odbora za žalbe građana nadležni su za: primanje, evidentiranje, procjenu i prosljeđivanje žalbi na postupanje policijskih službenika BiH, kao i njihovo upućivanje nadležnim policijskim tijelima; kontinuirano praćenje u kojoj fazi se nalazi predmet; iniciranje odgovarajućeg postupka protiv podnosioca žalbe u slučaju lažne ili tendenciozne žalbe; vođenje svih odgovarajućih evidencija i baza podataka o žalbama građana protiv policijskih službenika BiH, rezultatima istrage i drugim faktorima na osnovu kojih je pokrenut disciplinski ili krivični postupak; davanje svih informacija podnosiocu žalbe vezanih za njegovu žalbu; informiranje Parlamentarne skupštine BiH o svom radu; Odbor za žalbe građana nadležan je za sve ostale poslove propisane Zakonom o nezavisnim i nadzornim tijelima policijske strukture Bosne i Hercegovine ("Službeni glasnik

BiH",br.36/08), Poslovnikom o radu Odbora za žalbe građana i drugim propisima. Odbor za žalbe građana obrađuje podatke i vodi evidencije u skladu sa zakonom i drugim propisima.

Jedan od kandidata bit će predložen za **predsjednika** Odbora za žalbe građana. Predsjednik predstavlja Odbor, rukovodi i usmjerava obavljanje poslova iz nadležnosti Odbora, priprema Nacrt poslovnika o radu Odbora, podnosi godišnji izvještaj o radu, te druge potrebne izvještaje ovog nezavisnog tijela, obavlja druge poslove u skladu sa zakonom i drugim propisima i odgovoran je za zakonitost rada.

Status: Član Odbora za žalbe građana ima prava i obaveze proistekle iz Ustava Bosne i Hercegovine, zakona i podzakonskih akata, a neće imati radnopravni status. Sredstva za rad i naknade za rad obezbjeđuju se u budžetu Parlamentarne skupštine BiH.

Broj izvršilaca: sedam (7) uključujući obaveznu zastupljenost svih konstitutivnih naroda.

Mandat: Članovi Odbora imenuju se na mandat od četiri godine.

Opći i posebni uslovi

Opći uslov za sve pozicije: da je državljanin Bosne i Hercegovine stariji od 18 godina; da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu od tri godine prije dana podnošenja prijave za upražnjena mjesta; da nije obuhvaćen odredbom člana IX stav 1. Ustava Bosne i Hercegovine.

Posebni uslovi za:

a) Pozicija 1/01 - visoka stručna sprema - VII stepen (ili 240 ECTS studijskih bodova); da dolazi iz reda predstavnika pravosudnih institucija, ili da je penzionisani policijski službenik, penzionisani ili aktivni državni službenik; ili istaknuti stručnjak iz drugih oblasti javnog života, oblasti prava, kriminalističkih nauka i policijskih poslova; da nije osuđen za krivično djelo osim za krivično djelo iz oblasti sigurnosti saobraćaja; da nije član političke stranke, najmanje pet godina radnog iskustva nakon sticanja visoke školske spreme;

b) Pozicija 1/02 - visoka stručna sprema – VII. stepen (ili 240 ECTS studijskih bodova); uz uslov da najmanje pet članova Odbora za žalbe moraju imati zvanje diplomiranog pravника; da je ugledni i uvaženi građanin koji nije zaposlen u policijskim tijelima BiH; da nije osuđen za krivično djelo osim za krivično djelo iz oblasti sigurnosti saobraćaja; da nije član političke stranke; najmanje pet godina radnog iskustva nakon sticanja visoke školske spreme.

Potrebni dokumenti

Kandidat je dužan da uz prijavu na javni konkurs dostavi i originale ili od nadležnog organa ovjerene kopije dokumenata:

- 1) svojeručno potpisanu radnu biografiju (CV) sa izjavom o nacionalnom opredjeljenju, adresom i brojem telefona za kontaktiranje;
- 2) ovjerenu kopiju fakultetske diplome (nostrificirane diplome ako fakultet nije završen u Bosni i Hercegovini ili je diploma stečena nakon 06.04.1992. godine u nekoj od država nastalih na području bivše SFRJ), a kandidati koji su visoko obrazovanje stekli po Bolonjskom procesu školovanja - najmanje 240 ECTS bodova - uz ovjerene kopije univerzitetskih diploma trebaju dostaviti i ovjerene kopije dodataka univerzitetskih diploma;
- 3) uvjerenje o državljanstvu Bosne i Hercegovine, ne starije od šest mjeseci;
- 4) svojeručno potpisanu izjavu i ovjerenu kod nadležnog organa da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana podnošenja prijave za upražnjene pozicije;
- 5) svojeručno potpisanu izjavu i ovjerenu kod nadležnog organa da nije obuhvaćen odredbom člana IX. stav 1. Ustava Bosne i Hercegovine;
- 6) svojeručno potpisanu izjavu i ovjerenu kod nadležnog organa da nije član političke stranke;
- 7) svojeručno potpisanu izjavu i ovjerenu kod nadležnog organa da mu nije izrečena zatvorska kazna za krivično djelo počinjeno s umišljajem u skladu sa krivičnim zakonima u Bosni i Hercegovini, te saglasnost da ova Komisija može, po potrebi, po službenoj dužnosti zatražiti od nadležnog policijskog tijela dokaz o neosuđivanosti; a izuzetno kandidati za koje nije moguće po službenoj dužnosti pribaviti navedeni dokaz o neosuđivanosti će biti posebno kontaktirani u cilju pribavljanja istih;
- 8) svojeručno potpisanu izjavu i ovjerenu kod nadležnog organa da nije u sukobu interesa odnosno da ne obavlja aktivnosti koje dovode do nespojivosti utvrđenih Zakonom o sukobu interesa u institucijama vlasti Bosne i Hercegovine;
- 9) svojeručno potpisanu izjavu i ovjerenu kod nadležnog organa da je saglasan da se njegovi lični podaci mogu koristiti u ovoj konkursnoj procedure imenovanja za člana Nezavisnog odbora odnosno Odbora za žalbe građana.

Pored navedenih dokumenata kandidat treba dostaviti dokaz:

- za **poziciju 1/01:** (potvrda ili uvjerenje nadležne institucije) da: dolazi iz reda predstavnika pravosudnih institucija; penzionisanih policijskih službenika; penzionisanih ili aktivnih državnih službenika; istaknutih stručnjaka iz drugih oblasti javnog života; oblasti prava; kriminalističkih nauka; policijskih poslova; dokaz (potvrda ili uvjerenje nadležne institucije) o traženom radnom iskustvu u navedenoj struci, odnosno dokaz o penzionisanju;
- za **poziciju 1/02:** dostaviti svojeručno potpisanu izjavu i ovjerenu od nadležnog organa da nije zaposlen u policijskim tijelima BiH; potvrda ili uvjerenje nadležne institucije o traženom radnom iskustvu u navedenoj struci.

***Napomena:** Dokumenti se dostavljaju u originalu ili ovjerenoj kopiji. Dokumenti priloženi uz prijavu na javni konkurs neće biti vraćeni kandidatima, s obzirom na odredbe člana 16. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

Sukob interesa:

Kandidat za člana Nezavisnog odbora i Odbora za žalbe građana ne može obavljati poslove koje dovode do nespojivosti utvrđenih Zakonom o sukobu interesa u institucijama vlasti Bosne i Hercegovine („Službeni glasnik BiH“, br.13/02,16/02, 14/03, 21/04, 63/08, 18/12, 87/13 i 41/16);

Sigurnosna provjera:

Lice koje bude imenovano za člana Nezavisnog odbora i Odbora za žalbe građana podliježe postupku sigurnosne provjere u skladu s članom 3. stava (1) tačke a) i b) Odluke o listi dužnosti koje obavljaju imenovana lica za koje je potrebno provesti sigurnosnu provjeru, Broj: 01,02-05-4-1459/15 od 29.12.2015. a na osnovu člana 35. stav (2) Zakona o zaštiti tajnih podataka („Službeni glasnik BiH“, br. 54/05 i 12/09).

***Napomena za sve kandidate:**

Kandidat za člana Nezavisnog odbora i Odbora za žalbe građana ne može biti, u skladu s članom 4. stav (4) i članom 16. stav (4) Zakona o nezavisnim i nadzornim tijelima policijske strukture Bosne i Hercegovine, lice osuđeno za krivično djelo, osim za krivično djelo iz oblasti sigurnosti saobraćaja. U vezi sa tom zakonskom odredbom, Privremena zajednička komisija će za kandidate čije prijave budu prihvaćene po službenoj dužnosti zatražiti od nadležnog policijskog tijela dokaz o neosuđivanosti a izuzetno kandidati za koje nije moguće po službenoj dužnosti pribaviti navedeni dokaz o neosuđivanosti će biti posebno kontaktirani u cilju pribavljanja istih.

Kandidati koji budu ispunjavali sve tražene uslove Javnog konkursa bit će pozvani na intervju. O vremenu i mjestu će biti blagovremeno obaviješteni.

Cilj intervjuja je utvrditi stručnost i kandidatovu osposobljenost za obavljanje tražene zadatke, te krajnju i ukupnu ocjenu kandidata.

Kandidat je dužan dati informaciju o bilo čemu, što može rezultirati sukobom interesa u slučaju da dođe do njegovog imenovanja.

Privremena zajednička komisija će, nakon obavljenog intervjuja i ocjenjivanja, listu uspješnih kandidata dostaviti Predstavničkom domu i Domu naroda Parlamentarne skupštine Bosne i Hercegovine radi imenovanja.

Način i rok podnošenja prijave

- Javni konkurs objavljuje se u "Službeni glasnik BiH", "Službeni glasnik Brčko Distrikta BiH" i na web-stranici Parlamentarne skupštine Bosne i Hercegovine www.parlament.ba

(Sekretarijat/Oglasi/Javne nabavke/Interno/Konkursi), te obavještenje o javnom konkursu u dnevnim listovima „Večernji list“, „Dnevni avaz“ i „Glas Srpske“.

- Javni konkurs ostaje otvoren 15 dana od dana objave u „Službenom glasniku BiH“.
- Prijave sa traženim dokumentima dostaviti poštom preporučeno, uz upozorenje „ne otvarati“, na adresu:

Parlamentarna skupština BiH

Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine

„JAVNI KONKURS za provođenje procedure za imenovanje članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine – "NE OTVARATI"; 71000 Sarajevo, Trg Bosne i Hercegovine br. 1

***Napomena:** Neblagovremene prijave neće biti razmatrane, a nepotpune i neuredne prijave bit će odbačene